

節刀、五年四月乙酉征夷將軍正四位上多治比真人縣守鎮狄將軍從五位上阿倍朝臣駿河等還歸、

〔續日本紀九聖武〕神龜元年三月甲申陸奧國言海道蝦夷反殺大掾從六位上佐伯宿禰兒屋麻呂、四月丙申以式部卿正四位上藤原朝臣宇合爲持節大將軍宮內大輔從五位上高橋朝臣安麻呂爲副將軍判官八人主典八人爲征海道蝦夷也、五月壬午從五位上小野朝臣牛養爲鎮狄將軍令鎮出羽蝦狄軍監二人軍曹二人、十一月乙酉征夷持節大使正四位上藤原朝臣宇合鎮狄將軍從五位上小野朝臣牛養等來歸、

〔續日本紀三十稱德〕寶龜元年八月己亥蝦夷宇漢迷公宇屈波宇等忽率徒族逃還賊○賊原作俗地差使據一本改喚之不肯來歸言曰率一二同族必侵城柵於是差正四位上近衛中將兼相模守勳二等道島宿禰島足等檢問虛實、

〔續日本紀三十三光仁〕寶龜五年七月庚申以河內守從五位上紀朝臣廣純爲兼鎮守副將軍勅陸奧按察使兼守鎮守將軍正四位下大伴宿禰駿河麻呂等曰將軍等前日奏征夷便宜以爲一者不可伐一者必當伐朕爲其勞民且事含弘今得將軍等奏蠢彼蝦狄不悛野心屢侵邊境敢拒王命事不獲已一依來奏宜早發軍應時討○討原作計據一本改滅壬戌陸奧國言海道蝦夷忽發徒衆焚橋塞道既絕往來侵桃生城敗其西郭鎮守之兵勢不能支國司量事與軍討之但未知其相戰而所殺傷、八月辛卯先是天皇依鎮守將軍等所請令征蝦賊至是更言臣等計賊所爲是狗盜鼠竊雖時有侵掠而不致大害今屬茂草之時臣恐後悔無及天皇以其輕論軍興首尾異計下○下原脫據一本補勅深譴責之、十月庚午陸奧遠山村者地之險阻夷俘所憑歷代諸將未嘗進討○討原作計據一本改而按察使大伴宿禰駿河麻呂等直進擊之覆其巢穴遂使窮寇奔亡降者相望於是遣使宣慰賜以御服綵帛、六年三月丙辰陸奧蝦賊騷動自夏涉秋民皆保塞田疇荒廢詔復當年課役田租、十月癸酉出羽○羽原作雲據一本改國言蝦夷○夷一作賊餘